

siacalaia ama'a

siacalaia ina'a tam langica. siacalaia ama'a mɯmɯa tam langica,  
ucaniika kupakiapuhlua ama'a kari. siacalaia ama'ana ia marinu, rianɯ  
pakiapuhluisa sikuatitipana. siacalaia ama'anaia angahlahlana sahlumu,  
maniki micalivicu caihli vulahlɯ rianɯ matahlisau.

siacalaia ama'anaia sihlangu, ma ahla'amisanana pitacacuruna  
masunguli.

siacalaiaisa ama'a ma siangusipa, manikia ama'ana kupakiapuhlu  
siacalaiaisa aramuamuarɯaku tumacacurunu siacalaiaisa ama'a. ta'iaraisaka  
marapihli ta'ia, karakuhlɯ kupasalia, kuhlaisai maci pipasamia putusu  
ihlaku umiiaɯ, ahla ruavici ihlaku musa vahlita takuliliungu.

maru ucani ari, puatusua ama'ana ihlaku musa umiaɯ. maru taparana  
kuamaivɯvurɯngana umala matumuhlu aanɯ, amiaku ama'ana “ kaamu  
mahlacu'aimanai mɯmɯa! umaukia ihlau kumaini! ” amihla ama'ana  
“ umaukia ihlau, kumita ihlau kuvacukuia masasangaricuaku. ” karia  
kani'ina, tamuucua apulavaɯ tikiku.

kukucua ihlakua kuamaivɯvurɯngana, sapiisa ama'ana hlinutusamahlu.  
ruavicia ama'a ihlaku mukakakua ariatɯkɯrana. ama'ana

hlimucaningɯtɯhlana sala'a, talaili kumita ihlaku, tamuucuku marinu,  
pasakulai musalasala mahlukua ariatɯkɯrana.

siacalaiaisa ama'ana tam macuisa. maru siangusipa pakipuhlu kuhlaisai  
ama'anaia pakiaturuaku, hlatumuaku kiahlahlamu ama'ana “ macalaiaku  
ihlau! ”

(文章大意 僅供參考) ※字數限 200 字

## 父愛

母愛是偉大的，父愛也是偉大的。父愛含蓄，往往表現在動作。

父愛是泉水，就算蒙上歲月的風塵，依然純潔明淨。父親不曾說出他的愛。有天父親送我上學，在早餐店為我點了很多食物，他說：「看著你吃飽了，我就心滿意足。」我把早餐吃完，父親的臉上都是笑容。父親帶著我往學校走，走一段路，就會回頭看我一眼，我覺得很不好意思，就加快腳步到學校。

父愛是深沉的，生活上表現出來的，出於我心底里那份對父親的深深敬仰之情。